

www.BibleForChildren.org

Mëccëe 8



Bes kanak tíkka ga hewhewcaama, sègílook laakka ga teeraa Kanaa, ga gohaa Gèlílée. Eew Yéesu enee daama. Yéesu ban nakseera sègílookfaa, ya na tēelíbéecaagari.



Ga duuy hewaa, biiñaa leehha, eeci wo"ari an: - Ba laakissii biiñ! Eew Yéesu wo"a súrgacaa ga kaanfaada an: - Iñaa ya wo"úunaa, tumatti!



Yéesu wo"a sùrgacaa an: - Ne'at músú ga
tataatii bi ta líif! Ba ne'ata bi ta líiffa muut.
Waa ennda da, Yéesu wo"aba an:
-Diimada, hafat dú bayi' baa tuukuk
sëgílookfiida. Ba bayi'tari ga.




Kíntaanaama wërí Yéesu deb kitum, ee enee ga Kanaa ga gohaa Gëlílee. Fodaama ya teewohha ndamaagari ee tëelíbéecaa gëmussa gari.



Waa ennda da, Yéesu ka'ta kaan Pee',
ya laak payam Pee' yibeti yii ga dook
fayaan, dúukoolin ee faanfaa tamin jír.



Yéesu ammbari ga yah, tamohlaataa faanfaa
dalla kiyím, lëehí'ta ya kolukka, ya aawwa
kitoputu' Yéesu.




Ga noh-soosaa lak nohaa aasin, Yéesu haydohdussa dúukoolí'caa tóoh na ha'-rabcaa. Ee bu-dēkaa tóoh nēgírúkohusee ga hal-kaanfaama.



Ya wëkí'ta bo' biyewin baa laakin dúukoolcaa bokkii.
Ya kaalla ban rab biyewin ga buwaa, ee ya onéeríi
rabcaama kiwo' yen ndaga ba ínoheera baa ya endá.



'Baa en béeb yaa heel kile' gari, ndaga dooli meyohi gari, wa wëkdíba béebba.



'Bibo' hayussa gari, haydohdussi baa lafañin.
Yaal binikiis bëri teembeelussi.



Ga daa ba mɪnndii gari kideey
ndaga mbooloomaa, ba nammba
kiheel gúl ga cakaraa túuyaa,
tíimmba Yéesu ga daa ya
eneeda. Ba yóoskí'ta
gatanaa lafaña
faankohda
ga gúlaama.



Daa Yéesu hotee ngëmaagaba waama, wo"a lafañaan:
- Yaal, baakaa'cumgaraa bayaluununndaa.
- Mi wo"aaka, kolka, bewaa gataniigaraa, fu yee kaanfu!



Lëehí'ta Yéesu aassa ga gaal-loocaa, tēelíbéecaagari
taabussa nari. Uuris wiyaak dalla
kiyíp ga giiyaa bi dúuscaa caa
yah ki'úul gaal-loocaa. Wiima
lak Yéesu yii neeh.



Yéesu wo"aba an: - Iñii tahhúu ya kiniik hínda? Dú daal ngëmiigarúu yëgíssii! Waa ennda da, ya kolukka, gëtta uurisaa na giiyaa, tóoh ennda selew. Ba jaahli"a lool, ba baa wo' an: - Moo bii yii yërí en ba bi uurisii sah na giiyii tumsi ga iña ya nakohda?



Ndaga Kooh waa' bu-ëldúna hen
bi, ya erohha Kowukiigari ya
laak donḡa, doonaa béeb baa fu
gëm gakanaa, fu san̄ku'oo,
wayee fu laas ga kipeskaa
leehoo taa'da.



Room 3:23

En ki'ena, béeb buwii bërí tum baakaa', ee ba meydohin
hafba ga ndamaa Kooh.

Room 6:23

Fayaa baakaa' wërí en kikaan; Kooh nak, iña ya onoh ee
meekissii ken dara gada wërí en kipeskaa leehoo taa' ga
Yéesu Kiristaa, Ha'mudiigaruu.

Yaawúu'caa 9:27

Waa baa en tooh hay kikoo' ga kikaankii waas kíinoo,
lēehíraa ya atti'u,



Efees 2:8,9

En ki'ena, kijofkaa Kooh kəri múlsallúu kooroh ga dii dú gëmin garíða. Iñaama meyohhii garúu, Kooh yëri onndúuka. Enndii tumeenciigarúu tah iñaama kilaak. Kon ken hanat ga kindamuk.

Room 10:9,10

'Béeb baa fu wo' ga kúuwfu, ga fíkii buwii, an Yéesu yëri en Ha'mudii, ee fu gëm ga keeñaagaraa an Kooh mílísdĩnndinaa, Kooh hayyaa kimúsal. En ki'ena, baa gëm ga Yéesu ga keeñaagarinaa, Kooh hayyi ki'aboh bo' yijúwí' ga fíkíici; ee baa wo' ga kúuwci an Yéesu yëri en Ha'mudiinaa, Kooh hayyi kimúsal.



Saṅ 3:16,17

Ndaga Kooh waa' bu-ëldúna hen bi, ya erohha Kowukiigari ya laak donḡa, doonaa béeb baa fu gëm gakanaa, fu saṅku'oo, wayee fu laas ga kipeskaa leehoo taa'ḡa. En ki'ena, Kooh wossii Kowukiigari ga ëldúna ki'atti' bu-ëldúna, wayee ya woska ka músal bu-ëldúna.

1 Saṅ 5:11-13

Iñii yii yëri en iñii Kooh seedi'ḡa: Ya oninnduu kipeskaa leehoo taa', ee kooroh ga Kowukiigari, ḡu laassa ga kipeskiima. Béeb baa enin wíinoo na Kowukii Kooh, laasin ga kipeskii, ee baa enndii wíinoo na Kowukii Kooh, laassii gaka. Mi bínndúu iñcuma tóohca ḡu bii ḡu gëmin ga teekii Kowukii Koohḡa, doonaa ḡu ínoh an ḡu laasin ga kipeskaa leehoo taa'ḡa.



Mëccëe 8-9; Marka 1-2, 4; Lúkkaa 4, 8; Saᅇ 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Noon NT (snf) © 2012, Wycliffe Bible Translators, Inc.
All rights reserved.

<https://www.bible.com/bible/1646/MAT.1>

©2025 Bible for Children, Inc.

www.M1914.org

www.bibleforchildren.org

